

Малин теджәлиг сәәнәр диглхмн

1955—56 джилмүдт болсн күнд үвлиг ода чигн бидн мартад угавди. Үвлин дундулар „Приозерный“ совхозин малин теджәл чиләд, мал, хот-хол уга болсн учрар эцәд, муурад үкәд бәәв. Тингхлә правительственн зааврар шахсн өвсн, солом, концентрат самолетар авч ирдж хайджав. Тингәд цаглань малиг теджәләр тегсн учрар, малмудас ик гару гарсн уга.

Эн болсн күнд үвл болад джил үлүтә цаг өнъгрв. Болв энүг мартхми биш. Энджл йир ганъгта джил болджана, тер учрар эврәннь эв-аргъан олдж, малд үвлин туршар элвгәр күрдгәр хот-хол белдх—эркн төр болджана.

„Приозерный“ совхозин гардачир малдан немр хот белдхин кергт көк хулс хадджана. Зуг тер хадсн хулсан цаглань хурадж авлго бәәсн учрар, нарнд шарлад, шимән геедж бәәнә. Минигъәр болхла ним эндү йовдл гаргъхми биш. Хулсиг хадсн даругъан зөбдж, хурах кергтә.

Малин теджәл болтха гигъад хар гуир көкәр хадад хурачкн бәәнә. Терүг зөбгъад, бань түләд боли шаврар кирпич цокхларн ниилүләд, гару гаргъад бәәдг йовдл бәәнә, эн ик хаджгър йовдл гидж санх кергтә. Эн хамгиг ах агроном үр Попов И. П. медә бәәдж, тагчг бәәнә. Иим хаджгър йовдлиг цааранднь уурулх кергтә.

Малин хот-хоолиг чикәр тоолдж, хадгълдж, дигтәгъәр эдлх керг—эркн төр болджана.